



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

§ 1. Dagoberti aliorumqu[e] Regum ac Imperatorum Decreta.

urn:nbn:de:hbz:466:1-14268

tium Imperatorum ac Regum tabulis, qui non modò de illo Constantini Magni facto causa cognita deciderunt, verum etiam eandem immediatam Imperij subiectionem dicto sacro loco addixerunt, adjudicarunt, confirmarunt.

§. I. Dagoberti aliorumq; Regum ac Imperatorum Decreta.

 V M ante mille circiter annos tempore Dagoberti incliti Austrasiæ & Francorum Regis inquirendi occasio incidisset, de sœpedicti Monasterij fundatione & subiectione, Rex de consilio Episcoporum ac Comitum suorum, Legatos ad Abbatem S. Maximini Memilianum deputauit, ut ferio examinatus & excusis antiquis sacri illius loci monumentis, de eius fundatione prima & subiectione ad ipsum certa referrentur, id præsticum & clarè ac certissimè deprehensum Monasterium illud à Constantino Magno conditum & fundatum, eiusdemque Imperatoris Maximi decreto solis Imperatoribus, non autem vlli alteri personæ subiectum fuisse aliaque quæ supra relata; quæ etiam Dagobertus Rex decreuit, approbavit, & additis non exiguis ditionibus & prædijs primam eius dotationem auxit. Sed hæc omnia in dicti Dagoberti Diplomate quod subijcio continentur.

In nomine Patris & Filii & Spiritus Sancti. Omnim Christianorum nouerit industria, qualiter ego Dagobertus Rex potentissimus Conuenienti consilio Episcoporum meorum Comitumque Legatos de mea parte ad Abbatem Memilianum direxi, mandans & ut diligenter inquireret, mihiq; per seipsum indicaret, quibus auctoribus illud Monasterium S. Maximini constructum, vel cuius Imperio à pristinis temporibus esset subiectum. Hanc legationem Abbas cum fratribus follicite percipiens, perfectisque in eodem loco quibusdam vetustissimis cartulis, inuentum est ipsum Monasterium Constantini Imperatoris fuisse Regale templum, atque iussu eius dedicatum fore in honore Sancti Ioannis Euangeliste, à Sancto Agrito Venerabili Archiepiscopo: In quo videlicet templo, ut idem Pater Monasterij nostra Regalitati certa relatione patefecit Helenæ sacra famula petente & fauente, supradictus Imperator pauperes Christi congregauit, eisque virum DEI Ioannem preposuit, ut in servitio Dei semper vacarent, & pro se orationibus insisterent; Et insuper illius loci habitationem alteri personæ noluit subdere nisi sua, successorumque Imperatorum protestari. His rebus ita esse firmiter intellectis regio more constituo atque firmissima inscriptione præcipio, ut nullus unquam proterue illud Monasterium, in quo Abbas supradictus præesse videatur, audeat inire, vel ullam inhumanitatem illi violenter inferre, Igitur ut assidua recordatio mei, meorumque parentum maneret in predicto Monasterio ipsorum Sancti Maximini præbendariorum virtutia sub præmemorato Imperatore constituta, additis mea ex parte prædijs augere curauit; quorum nomina haec sunt. Kannis, Cressiacum, Lonesvich, Regiodola, Vallis, Polich, Bædeliacum, Taleuant, Loanta. Hac loca ad Regiam Curtam, quæ dicitur Decima, pertinent, quam currentem cum omnibus rebus ad eam pertinentibus, hoc est, quidquid Prædijs suis habere afluui, que nuncupatur Rubera usque ad siluam, quæ dicitur Ieder, Sancto Maximino Præfulti in perpetuam hereditatem contradidi. Insuper etiam cum consilio & rogatu meorum Principum catenis inibi DEO deservientibus, hanc legem firmiter ac perpetualiter imposterum habendam decreui, scilicet, ut Centenorum ibidem summa Monachorum semper integra maneat & inconulsa, excepto si imperatorum Principumque per sacula succedentium benevolentia prædijs augmentetur vel

the-

9

thesauris. Et si proper Paganorum vel infidelium Christianorum deuastationem eisdem Christi seruatoribus penuria ultra modum ingruerit, & per thesauri effusionem expelli nequaerit, Deo omnipotens & mei meorumque Successorum habeant licentiam, alodium cum familia a fidelibus illo contraditum dandi & vendendi, antequam Dei destruantur seruitia, & ut istius cartulae confirmatio firma in eum permaneat describi eam praecepi & nostro Sigillo eam inde firmaui. Actus pridie Nonas Aprilis, Anno Regni nostri duodecimo Moguntiae feliciter Amen. Signum Dagoberti Regis.



Henricus Cancellarius ad vicem Ricolui Archicapellani recognovit.

Antiquissimum illud Diploma ita subscriptum ac sigillatum per mille prope modum Annos conseruatum integrum illæsumque habemus.

Porrò Cartulæ nomine, illo Dagoberti suo Diplomata intelligi testatur vetus documentum à S. Germano concessum pro immunitate Abbatia S. Crucis, Anno V. Chariberti Regis LX. circiter annis ante hoc Dagobertinum, vbi nomen Cartulæ in hoc significatu usurpat. Refert illud Amoynus lib. 3. cap. 2. vbi Iacobus du Breul obseruat originale illius adhuc extare. Quin imo & ipse Dagobertus suum hoc Diploma in fine vocat cartulam.

Eandem Immediationem Status, Pontifices Maximi, Reges Supremi & Imperatores consequentes confirmarunt & firmarunt & firmiter decreuerunt.

In primis S. Gregorius II. Pontifex, qui tempore Caroli Martelli Sedem Romanam tenuit, S. Basino, qui eodem tempore S. Maximinum regebat inter Abbates decimus sextus ordine Bullam misit, qua firmiter alia decernit & præcipit, ut dictum Monasterium sub Regum mundiburdio maneat, neque ulli alteri personæ subijciatur quam exhibemus sub Num. 2.

Pipinus similiter Rex Austrasiæ & Francorum dictum Monasterium S. Ioanni Sacrum, vbi S. Maximinus est sepultus, dicit se habere sub potestate Regali, & ita per antecedentia tempora à Regibus constitutum, proinde se decernere Abbatem Utrradum cum Monachis & Abbatia sub Regum mundiburdio in secula manere, ita in Diplomate dato Moguntiae Anno XXV. Regni sui, quod habes Num. 3.

Carolus Magnus Imperator & Austrasiæ ac Francorum itidem Rex, parentis vestigijs insistens, Anno Regni quadragesimo, qui fuit octauus postquam à Leone Papa Imperij coronam accepit, constitutione edita statuit, ut præfatum Monasterium maneret sub suo ac Imperatorum mundiburdio, idq; tanta cum libertate & independentia, ut ne ipsi quidem Reges, eius Successores potestatem ullam in eo exercere vel exequi sine Abbatis voluntate aut requisitione possent. Insuper nostra preceptione constituimus (inquit) atque inconcusse firmamus ut nullus Regum nobis Succendentium, vel alia persona aliqua contra eundem locum, vel Monachos in tota Abbatia ullam potestatem exercere presumat, nec telonium usquam à naibus eorum exigat, seu plaeitum teneat sine iussione & petitione Abbatis. Sed securè & cum pace maneat, locus ille sub nostro & Successorum

nostrorum Mundiburdio &c. Vide ipsum Diploma Numero quarto.

Ludouicus Pius Imperator eadem omnia, quæ Pater eius Carolus, concessit, constituit, decreuit, imperauit, ut manifestum est ex eius Diplomate quod habes sub Num. 5. vbi hæc leges, Igitur istud præceptum ad utilitatem Monachorum fieri iussimus, per quod Imperamus, ne quislibet de iudicaria potestate in Curtes, vel in Villas ipsius Monasterij ad causas audiendum, nec fidei iussores rollendum neque ad manendum, aut homines ipsius Ecclesie distinguendum ingredi præsumat, sed sicut ipse locus sub antecessorum Regum hac tenus fuit conservatus, ita deinceps per nostram autoritatem permaneat in conuulsus.

Lotharium Austrasiæ Regem quoque eandem Iurisdictionem libertatem, & immediatum sub Imperatoribus Statum agnouisse & decreuisse, ex ipsius Diplomate euincitur, quod sub Num. 6. habes, vbi Rex Lotharij Imperatoris Generis sui, qui idem præstiterat & anteriorem Regum Austrasiæ & Imperatorum vestigijs insistens, *Abbatiam S. Maximini*, inquit, more Genitoris nostri cæterorumq. Antecessorum nostrorum nostris etiam priuilegijs, corroborare decredimus, & nulli alijs subiectam vel obnoxiam, excepto nostre Regalitati, sicut sub Antecessoribus nostris esse volumus. Nulli etiam Comitatui bannum aut fredas exoluat, nec aliquis in locis eiusdem sine nostro iussu placitum habere præsumat. Quibus verbis Imperatores & Reges omnem Iurisdictionem Principibus, Comitibus, & Dynastis Imperatore inferioribus in S. Maximini Ditiones denegant, eiusque omne exercitium tollunt, nisi id ex ipsorum Imperatorum & Regum iussu, mandato vel delegatione concedatur. Placitum enim conuentus iudiciales, bannum & fredas vero euocationes, mulctas & pœnas antiquorum Scriptorum vsu significare constat.

Atque ex allegatis Descretis & Diplomatis euincitur Abbatiam S. Maximini à Constantini M. tempore, adeoque à prima sua origine usque ad Dagobertum Austrasiæ Regem, & deinde tam sub illo quam consequentibus Imperatoribus & Austrasiæ Regibus immediate sub Imperio vel Regno supremo Statum liberum habuisse.

S. 2. *Sententia Ottonis Imperatoris.*

SExcentis penè annis Iura S. Maximini inconcessa steterant cum Rothbertus Archiepiscopus Treuirensis, nescio quibus iudicijs vel malorum consilijs aut suggestionibus in eum errorem inductus est, ut Abbatiam præfatam olim ad Ecclesiam suam pertinuisse eiique subtractam fuisse crederet. Igitur apud Ottone Magnum Imperatorem actionem instituit, ac Monasterium sibi adjudicari petiit. Auditus est Abbas S. Maximini pro tempore Willerus, causaque examinata & probè cognita, prolatisque in Imperij Comitiis siue Procerum conuentu coram Cælare & iisdem Proceribus, Tabulis & Decretis Regum præcedentium præsente ipso Rothberto Actore lata est sententia ab Imperatore, & declaratum ac decretum, præfatum Cœnobium ab Antiquissimis temporibus in usum Monachorum constructum, nulli unquam Ecclesiæ vel Sedi subiectum fuisse, sed semper sub Regia Potestate mansisse, ac proinde sub ipsius Ottonis ac Successorum Germaniae Regum potestate perpetuo permanetur.

Ipsum quale hodieq; habemus integrum Originale: hic lege.
In nomine Sanctæ & individuæ Trinitatis. Otto diuina annuente Clementia Rex. Notum esse volumus omnium nostrorum presentium scilicet & futurorum industrie, quod Nos pie & salubriter de nostri Status Regni tractando sancta loca ab Ante-

cessori.